



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones Clementis XII. ab Anno V. usque ad X.

**Luxemburgi, 1748**

CLXIV. Omnes Regulares etiam Ordinis Cisterciensis in Regno Lusitaniæ  
tenentur observare Constitutiones Gregorii XV., & Clementis X. circa  
Parochialium usum, & Sacramentorum administrationem.

---

[urn:nbn:de:hbz:466:1-75393](https://nbn-resolving.org/urn:nbn:de:hbz:466:1-75393)

quæ habetur in literis piæ me. Pauli Papæ V. Prædecessoris pariter nostri, quarum initium est. Alias motu proprio &c. quibus personæ diversæ nationis, ac patriæ ad regimen Prælaturarum Monasteriorum dictæ Congregationis Sancti Salvatoris assumi vetantur, & natis ubi sita sunt Monasteria Prælaturas easdem conferri præcipitur retroactis temporibus utilis esse potuerit nihilominus cum ob defectum idoneorum interdum non idoneos promovere, aut Prælaturas ipsas non sine magno regularis disciplinæ, & rerum Monasteriorum detrimento vacuas relinquere oporteat; Idem Benedictus Prædecessor huiusmodi gravi incommodo occurrere volens, ac ut deinceps personæ in Abbates Monasteriorum prædictæ Congregationis assumendæ sacris literis, prudentia, & maturitate sint commendabiles, & idoneæ ad feliciter in spiritualibus & temporalibus Monasteria ipsa dirigenda, dispositionem, literasque prædictas ejusdem Pauli Prædecessoris, nec non alias re. me. Alexandri Papæ VII. itidem Prædecessoris Nostri incipientes *Ad Apostolica &c.* quibus inter cætera Congregationi Sancti Salvatoris huiusmodi Abbatiam infra scripti Monasterii Terræ Centi Diocesis Bononiensis Presbytero professo & in dicta Terra orto, vel in eius defectum Ferrariensi conferendi obligatio injungitur, in hac parte tantum, in reliquis vero in suo robore permanens de medio sustulit, & abrogavit: occurrentibus vero Abbatiarum vacationibus præcepit, ut Abbas Generalis, & quatuor Visitatores dictæ Congregationis digniorem personam ex Provincia, in qua Abbatia vacans sita fuerit desumant; Cum hac tamen Regula, quod ceteris paribus respectively præferri debeant Religiosi Canonici propinquioris Monasterii Provinciarum ejusdem Congregationis, quique saltem in trigesimo quinto suæ ætatis, & duodecimo Religiosæ professionis anno constituti existant, & postea per novem annos cum laude & Discipulorum profectu Philosophiam, aut Theologiam prælegerint, vel Thyronum regimen, seu curam Animarum in illis Ecclesiis dumtaxat, quibus inserviunt, iidem Canonici Sancti Salvatoris, ibique viget regularis observantia exercuerint, seu Quadragesimali tempore Sacras Conciones in Civitatibus ad Populum habuerint, vel munus Præsidentis actualis sustinerint, seu per quindecim annorum spatium procuracionem alicujus Monasterii laudabiliter gesserint, quos ad Abbatias, ut profertur vacantes obtinendas quibuscumque aliis quacumque ratione ad eas aspirantibus penitus remotis & exclusis, eligere omnino debeant, & teneantur auctoritate Apostolica perpetuo statuit, & declaravit.

§. 2. Cum autem, sicut eadem expositio subiungebat, dictus Joannes Albertus Abbas Generalis observantia Constitutionis memorati Benedicti Prædecessoris in maximum ipsius Provincie, imo totius Congregationis progressum residet, præsertim quoad illas Nationes numero carentes, dum nationales hoc pacto multum operæ, & laboris in studiis confument ad hoc, ut idonei reddantur, iis vero minime existentibus, electio cadet in personas, quæ dignitati decorem, & toti Congregationi utilitatem afferant. Nobis propterea dictus Joannes Albertus Abbas Generalis humiliter supplicari fecit, ut in præmissis opportune providere, & ut infra indulgere de benignitate Apostolica dignemur.

§. 3. Nos igitur eundem Joannem Albertum Abbatem Generalem specialibus favoribus, & gratiis prosequi volentes, & a quibusvis excommunicationis, suspensionis, & Interdicti, aliisque Ecclesiasticis sententiis, censuris, & pœnis a Jure, vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes, & absolutum fore censentes, huiusmodi supplicationibus inclinati, præinscr-

tam particulam ex Constitutione Benedicti Prædecessoris exceptam, ut præfertur, auctoritate Apostolica tenore præsentium confirmamus, & approbamus, illique Apostolicæ firmitatis robur adjicimus, ac illam perpetuo observari mandamus.

§. 4. Decernentes easdem præsentis literas semper firmas, validas, & efficaces existere, & fore, suosque plenarios, & integros effectus fortiri, & obtinere, ac illis, ad quos spectat, & pro tempore spectabit plenissime suffragari; & ab eis respective inviolabiliter observari; sicque in præmissis per quoscumque Judices Ordinarios; & delegatos, etiam Causarum Palatii Apostolici Auditores judicari, & diffiniri debere, ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 5. Non obstantibus præmissis ac Constitutionibus, & Ordinationibus Apostolicis, ac quatenus opus sit prædictæ Congregationis aliisque quibusvis, etiam Juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores, præsentibus pro plene, & sufficienter expressis, ac ad verbum insertis habentes, illis alias in suo robore permanens, ad præmissorum effectum hac vice dumtaxat specialiter, & expresse derogamus, ceterisque contrariis quibuscumque.

§. 6. Volumus autem, ut earundem præsentium literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides ubique habeatur, quæ ipsis præsentibus haberetur, si forent exhibitæ vel ostensæ.

Datum Romæ apud S. Mariam Majorem sub Anno Pontificatus die 4. Julii 1735. Pont. nostri Anno VI.

F. Card. Oliverius.

Omnes Regulares etiam Ordinis Cisterciensis in Regno Lusitanie tenentur observare Constitutiones Gregorii XV. & Clementis X. circa Parochialium usum, & Sacramentorum administrationem.

CLEMENS PP. XII.

*Ad futuram rei memoriam.*

Admonet Nos Apostolici muneris ratio ad ea serio intendere, per quæ provide statuta a Prædecessoribus nostris, præsertim ad Ecclesiasticam disciplinam tuendam, ac pacem, & tranquillitatem inter Villicos, & Operarios agri Dominici firmandam spectantia, inviolabiliter custodiantur, atque observentur.

§. 1. Exponi siquidem Nobis nuper fecit Venerabilis Frater Patriarcha Ulyxbonen., quod Regulares Regnorum Portugallie, & Algarbiorum diversis temporibus adnixi fuerint sese ab observatione Constitutionis fel. rec. Gregorii PP. XV. Prædecessoris Nostri, quæ incipit: *Inscrutabili Dei providentia* subducere, ac eximere, freti quibusdam in simili forma Brevis literis rec. me. Urbani PP. VIII. Prædecessoris etiam Nostri die 3. Martii 1625. expeditis, tenoris, qui sequitur, videlicet: Dilecto Filio Magistro Joanni Baptistæ Pallottæ in utraque Signatura nostra Referendario, Jurium, & Spoliorum Camera nostræ Apostolicæ in Portugallie, & Algarbiorum Regnis debitorum Collectori Generali. Urbanus PP. VIII. Dilecte fili salutem, & Apostolicam benedictionem. Alias a fel. rec.

Sicque servari præcipit in futurum.

Derogat contrariis.

Transumptis credi jubet.

Dat. die 4. Julii 1735. An. VI.

CLXIV.

Procemium.

Causæ ferendæ Constitutionis.

Grego-

Procurator Generalis pro huiusmodi Decreti confirmatione supplicat.

Benigne præstat Clemens.

Gregor. XV. observanda a Religiosis exemptis in iis, quæ curam animarum respiciunt, declaravit secundum mentem Concilii Tridentini.

Gregorio PP. XV. Prædecessore Nostro emanarunt literæ tenoris subsequenti, videlicet; Gregorius Episcopus Servus Servorum Dei. Ad perpetuam rei memoriam. Inscrutabili Dei providentia universalis Ecclesiæ regimini meritis licet imparibus præfidentes, pastoralis nostræ sollicitudinis partes esse dignoscimus in eam curam præcipue incumbere, ut a dignis, & probatis tantum Sacerdotibus sancte administrantur Ecclesiastica Sacramenta; atque, ut Virginum Deo Sacrarum Monasteria diligentissime custodiantur, & Viri assumantur idonei ad Prædicationis officium salubriter exequendum. Sane Tridentinæ Synodi decretis provide cautum esse nullum Presbyterum, etiam Regularem posse Confessiones Sæcularium etiam Sacerdotum audire, nec ad id idoneum reputari, nisi aut Parochiale beneficium habeat, aut ab Episcopis per examen, si illis videbitur esse necessarium, aut alias idoneus judicetur, & approbationem, quæ gratis detur, obtineat; necnon ut in Monasteriis, seu Dominibus Virorum, seu Mulierum, quibus imminet animarum cura personarum sæcularium, præter eas, quæ sunt de illorum Monasteriorum, seu Locorum familia personæ tam Regulares, quam Sæculares ejusmodi curam exercentes subsint immediate in iis, quæ ad dictam curam, & Sacramentorum administrationem pertinent, jurisdictioni, visitationi, & correctioni Episcopi, in cujus Diocesi sunt sita, itemque, ut Episcopi universi sub obsequio divini iudicii, & interminatione maledictionis æternæ in omnibus Monasteriis sibi subiectis ordinaria, in aliis vero Sedis Apostolicæ auctoritate clausuram sanctimonialium, ubi violata fuerit, diligenter restitui, & ubi inviolata est, conservari maxime procurent, inobedientes, atque contradicentes per censuras Ecclesiasticas, aliasque pœnas, quacumque appellatione postposita compecentes: atque ut Regulares in Ecclesiis suorum Ordinum prædicare volentes, se coram Episcopi præsentare, & ab eis benedictionem petere teneantur, in Ecclesiis vero, quæ suorum Ordinum non sunt, nullo modo prædicare possint sine Episcopi licentia, contradicente autem Episcopo, nullibi etiam in suorum Ordinum Ecclesiis prædicare præsumant. Verum quia experientia compertum est Ecclesiastici Regiminis rationes postulare, ut decretis ejusmodi aliquid adjungatur, matura deliberatione nostra, & ex certa scientia, ac de Apostolicæ potestatis plenitudine, hac generali ac perpetuo valitura Constitutione decernimus, statuimus, & declaramus, ut deinceps tam Regulares, quam Sæculares quomodolibet exempti, sive animarum curam personarum sæcularium Monasterii, seu Domibus Regularibus, aut quibusvis aliis Ecclesiis, vel beneficiis, sive Regularibus, sive Sæcularibus incumbentem exercent, sive alias Ecclesiastica Sacramenta, aut unum ex illis ministrent prævia Episcopi licentia, & approbatione, sive, quoquo modo in dictæ Curæ exercitio, aut in eorumdem Sacramentorum, vel alicujus ex illis administratione de facto, absque ulla auctoritate se ingerant in his, quæ ejusmodi curam, seu administrationem concernunt, omnimodæ jurisdictioni, visitationi, & correctioni Diocæsani Episcopi, tanquam Sedis Apostolicæ Delegati plene in omnibus subjiciantur. Ad hæc tam Regulares, quam Sæculares hujusmodi nullis privilegiis, aut exemptionibus tueri se possint, quominus si deliquerint circa personas intra septa degentes, aut circa clausuram, vel circa bonorum administrationem Monasteriorum Monialium etiam Regularibus subiectarum, ab Episcopo Loci similiter tanquam ad hoc Sedis Apostolicæ Delegato quoties, & quando opus fuerit, puniri, & corrigi valeant. Confessores vero, sive Regulares, sive Sæculares quomodocumque exempti tam Ordinarii, quam extraordinarii ad Confessionem Monialium etiam Regularibus subiectarum audiendas nullatenus depu-

tari valeant, nisi prius ab Episcopo Diocæsano idonei judicentur, & approbationem, quæ gratis concedatur, obtineant, sed & administrantes bona ad ejusmodi Monasteria Sanctimonialium, ut præfertur etiam Regularibus subiectarum pertinentia sive Regulares extiterint, sive Sæculares quomodolibet exempti, Episcopo Loci, adhibitis etiam Superioribus Regularibus, singulis annis rationes administrationis, gratis tamen exigendas reddere teneantur, ad idque Juris remediis cogi, & compelli queant, liceatque Episcopo ex rationabili causa Superiores Regulares admonere, ut ejusmodi Confessores, atque Administratores amoveant, iisque Superioribus id facere detrectantibus, aut negligentibus, habeat Episcopus facultatem prædictos Confessores, & Administratores amovendi quoties, & quando opus esse judicaverit. Ac similiter possit Episcopus una cum Superioribus Regularibus quarumcumque Abbatissarum, Priorissarum, Præfectarum, vel Præpositarum eorumdem Monasteriorum quocumque nomine appellentur, electionibus per se, vel per alium interesse, ac præsidere absque ulla tamen ipsorum Monasteriorum impensa. Ac demum habeat Episcopus tanquam dictæ Sedis Delegatus auctoritatem coercendi, & puniendi quoscumque exemptos tam Sæculares, quam Regulares, qui in alienis Ecclesiis, aut quæ suorum Ordinum non sunt, absque Episcopi licentia, & in Ecclesiis suis, aut suorum Ordinum, non petita illius benedictione, aut ipso contradicente, prædicare præsumperint; Ita ut Episcopi in supra scriptis casibus in prænomatas personas in præmissis omnibus, & singulis, aut circa ea quoquo modo delinquentes, quoties, & quando opus fuerit etiam extra visitationem per censuras Ecclesiasticas, aliasque pœnas, uti ejusdem Sedis Delegati procedere, omnemque Jurisdictionem exercere libere, & licite valeant. Decernentes sic per quoscumque Judices quavis auctoritate fungentes, etiam Sacri Palatii Auditores, nec non Sanctæ Romanæ Ecclesiæ Cardinales, sublata eis, & eorum cuilibet, quavis aliter judicandi, & interpretandi facultate, & auctoritate, judicari, & definiri debere, irritum quoque, & inane, si secus super his a quoquam quavis auctoritate scienter, vel ignoranter contigerit attentari. Non obstantibus Constitutionibus, & Ordinationibus Apostolicis in favorem quarumcumque personarum, atque Ordinum tam Mendicantium, quam non Mendicantium, Militiarum etiam Sancti Joannis Hierosolymitani, Congregationum, Societatum, ac cujusvis alterius Instituti etiam necessario, & in individuo exprimen., Monasteriorum, Conventuum, Capitularum, Ecclesiarum, & aliorum quorumcumque tam Sæcularium, quam Regularium locorum, nec non illorum etiam juramento, confirmatione Apostolica, vel quavis firmitate alia roboratis, statutis, vel consuetudinibus, etiam immemorabilibus, Exemptionibus quoque, Indultis, & Privilegiis, etiam in corpore Juris clausis, aut ex causa, & titulo oneroso, vel in limine fundationis concessis, etiam Mari magno, seu Bulla aurea, aut alias nuncupatis, Conservatorum deputacionibus, eorumque, atque aliis inhibitionibus, quibus Episcopi deferre minime teneantur, & quibusvis aliis sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, nec non irritantibus decretis etiam motu proprio, & ex certa scientia, ac de Apostolicæ potestatis plenitudine, aut alias quomodolibet etiam per viam Communicationis, seu extensionis concessis, ac iteratis vicibus approbatis, & innovatis, etiam pro illorum sufficienti derogatione de illis, eorumque totis tenoribus, & formis specialis, & individua, ac de verbo ad verbum, non autem per clausulas generales idem importantes mentio, seu quævis alia expressio ha-

benda,

benda, aut aliqua alia exquisita forma servanda esset, tenores hujusmodi, ac si de verbo ad verbum, nihil penitus omisso, & forma in illis tradita observata inferri forent, presentibus pro expressis habentes; quibus quoad ea, quæ eidem presentibus adversantur, illis alias in suo robore permanens, specialiter, & expresse derogamus, ceterisque contrariis quibuscumque. Ceterum, quia difficile foret presentes literas ad singula quæque loca deferri, ut eæ tamen omnibus innotescant, mandamus illas ad Valvas Lateranen., & Principis Apostolorum de Urbe Basilicarum, atque Cancellariæ Apostolicæ, & in Acie Campi Floræ publicari, & inibi affigi, & per aliquod temporis spatium dimitti, eisque detractis earum exempla eo in loco relinquere: Ac volumus, ut earum presentium literarum transumptis etiam impressis manu alicujus Notarii publici subscriptis, & Sigillo Prælati, seu personæ in dignitate Ecclesiastica constitutæ munitis in judicio, & extra illud, ubi opus fuerit, eadem prorsus fides adhibeatur, quæ ipsis originalibus adhiberetur, si forent exhibitæ, vel ostensæ. Nulli ergo omnino hominum liceat hanc paginam nostrorum statuti, declarationis, decretorum, derogationis, mandati, & voluntatis infringere, vel ei ausu temerario contraire; si quis autem hoc attentare presumpserit, indignationem Omnipotentis Dei, & Beatorum Petri, & Pauli Apostolorum ejus se noverit incursum. Datum Romæ apud S. Petrum Anno Incarnationis Dominicæ millesimo sexcentesimo vigesimo secundo, nonis Februarii, Pontificatus nostri Anno secundo. Cum autem, sicut accepimus, circa executionem literarum prædictarum in Portugallia, & Algarbiorum Regnis faciendam nonnulla per dilectum filium Michaellem Suarium Pereira, negotiorum Regnorum hujusmodi procarissimo in Christo filio nostro Philippo Portugallia, & Algarbiorum Rege Catholico in Romana Curia Agentem, ejusdem Philippi Regis nomine coram dilectis filiis nostris Dominico Sanctorum duodecim Apostolorum Gymnasio, Joanne Garcia Sanctorum quatuor Coronatorum Millino, ac Scipione Sanctæ Sufannæ, necnon Antonio S. Honuphrii Titulorum Presbyteris Cardinalibus respective nuncupatis ad id a nobis specialiter deputatis, deducta fuerint, idcirco donec deducta, ut præfertur, & quæ deducenda fuerint, per Dominicum, Joannem Garciam, Scipionem, & Antonium Cardinales prædictos, seu alios a nobis super his deputandos maturius, & plenius videantur, atque considerentur; Motu proprio, & ex certa scientia, ac matura deliberatione nostris, deque Apostolicæ Potestatis plenitudine, Tibi per presentes committimus, & mandamus, ut in Regnis Portugallia, & Algarbiorum prædictis tantum ab executione præsertarum literarum hujusmodi superferdis, auctoritate nostra cures, & facias, donec aliter a Nobis, seu Romanis Pontificibus Successoribus nostris provisum fuerit; Contradictores quoslibet, & rebelles, ac Tibi in hoc non parentes, per sententias, censuras, & penas Ecclesiasticas, aliaque opportuna Juris, & Facti remedia, appellacione postposita, compellendo, invocato etiam ad hoc, si opus fuerit, auxilio brachii secularis. Non obstant præsertis literis hujusmodi, ceterisque in contrarium facientibus quibuscumque. Datum Romæ apud S. Petrum sub annulo Piscatoris die 3. Martii 1625. Pontificatus nostri Anno II.

Urbanus VIII. ab hujusmodi declarationis executione superferendum statuit.

Ex hujusmodi suspensione quamvis sublata per declarationem Cle-

§. 2. Cum autem, sicut eadem expositio subjungebatur, suspensio dictæ Constitutionis Gregorii Prædecessoris vigore præsertarum Urbani itidem Prædecessoris literarum, donec aliter ab ipso Urbano Prædecessore, seu Romanis Pontificibus Successoribus suis provisum fuisset, sicut

præmittitur, facta jam diu cessaverit, ac e medio sublata fuerit per posteriores Ordinationes a Sede Apostolica identidem emanatas, potissimum vero per alteram Constitutionem similis mem. Clementis PP. X. Prædecessoris quoque nostri, cujus initium est: *Superna magni Patris familias*, usque ab anno 1670. per viam Legis universalis promulgatam, ad removenda scilicet dubia, & contentiones, quæ occasione recentis Constitutionis Gregorii Prædecessoris excitata fuerant, quemadmodum novissime etiam a Congregatione Venerabilium Fratrum Nostorum S. Romanæ Ecclesiæ Cardinalium Concilii Tridentini Interpretum, re discussa, expensisque Urbani Prædecessoris literis præsertis, resolutum, & declaratum fuit, nihilominus nonnulli Regulares Regnorum præfatorum, & præsertim Ordinis Cisterciensis. executioni ejusdem Constitutionis Gregorii, & alterius Clementis Prædecessorum, nec non decretorum, quæ ad illarum tramites a dicta Congregatione Cardinalium prodierunt, adhuc obistere ac refragari pergant, obtinentes ultra dictas literas Urbani Prædecessoris, se in neutra ex emanatis Constitutionibus comprehensos esse, eo quod in illis expresse nominati minime reperiantur, sicuti juxta asserta eorum privilegia opus fuisse ajunt; Nobis propterea prædictus Patriarcha humiliter supplicari fecit, ut in præmissis opportune providere de benignitate Apostolica dignaremur.

§. 3. Nos igitur ipsius Patriarchæ votis, hac in re quantum cum Domino possumus favorabiliter annuere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis, a Jure, vel ab homine quavis occasione, vel causa latis, si quibus quomodolibet innodatus existit, ad effectum presentium dumtaxat consequentem, harum serie absolventes, & absolutum fore censentes, hujusmodi supplicationibus inclinati, Omnes, & singulos Regulares, præfatorum Regnorum Portugallia, & Algarbiorum etiam dicti Cisterciensis, & cujuscumque alterius Ordinis, Congregationis, Societatis, & Instituti, etiam necessario, specialiter, ac in individuo nominandi, & exprimendi, ad exactam, & plenariam Constitutionum memoratorum Gregorii, & Clementis Prædecessorum observationem, prout eos concernunt, omnino teneri, & obligatos existere, & fore, & ad id sub censuris Ecclesiasticis, & aliis in iisdem Constitutionibus contentis penis cogi, & compelli posse, auctoritate Apostolica harum serie statuimus, & declaramus.

§. 4. Decernentes sic, & non aliter per quoscumque Judices Ordinarios, & Delegatos, etiam Causarum Palatii Apostolici Auditores, ac Sanctæ Romanæ Ecclesiæ præfate Cardinales etiam de latere Legatos, dictæque Sedis Nuncios, sublata eis, & eorum cuilibet quavis aliter iudicandi, & interpretandi facultate, & auctoritate iudicari, & definiti debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 5. Non obstant, quatenus opus sit, præsertis Urbani Prædecessoris Literis, ac Constitutionibus, & Ordinationibus Apostolicis, atque quibusvis etiam juramento, confirmatione Apostolica, vel quavis alia firmitate roboratis statutis, usibus, & consuetudinibus etiam immemorabilibus, privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis, nec non omnibus, & singulis, quæ in eorundem Gregorii, & Clementis Constitutionibus concessa sunt non obstante, ceterisque contrariis quibuscumque.

§. 6. Volumus quoque presentium literarum transumptis, seu exemplis etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis,

mentis X. data occasio nunquam hæcenus exequendi Constitutionem Gregorii XV. præsertim a Cisterciensibus.

Omnes & singuli Regulares declarantur obstricti observacioni Constitutionum Gregor. XV. & Clem. X.

Sicque in futurum esse iudicandum.

Obstantium derogatio.

Fides transumptorum.

eadem prorsus fides in iudicio, & extra adhibeatur, quæ ipsi præsentibus adhiberetur, si forent exhibitæ vel ostensæ.

Dat. die 11.  
Augusti 1735.  
An. VI.

Datum Romæ apud S. Mariam Majorem sub annulo Piscatoris die 11. Aug. 1735. Pontificatus Nostri Anno VI.

F. Card. Oliverius.

CLXV. Pontifex Privilegia concedit nonnullis suis Familiaribus.

CLEMENS PP. XII.

*Dilectis filiis Nicolao Antonelli Senogallien., Marchioni Chiappino Vitelli Florentino, Virginio de Cincis Romano, cubicularii intimis, Joanni Bottari itidem Florentino respectivè Civitatum, vel Diacesum, Cappellano Secreto, ac Joanni Baptista Aliceri, Cubiculi nostri Adjutori, familiaribus, continuis Commensalibus nostris Salutem, & Apostolicam benedictionem.*

Exordium.

**C**ircumspecta Romani Pontificis gratiarum dispensatoris providentia devotos, & fideles suos, illos præsertim qui grata familiaritatis obsequia jugiter ei impendunt, ac quos ad id alias propria virtutum merita commendant, honoris, & famæ amplioribus præconiis, ac præclaris dignitatum titulis decorare, & ornare, nec non specialis benevolentiæ favoribus amplecti solet, prout personarum qualitibus conspicit convenire.

Hicce Cubicularios Sedis Ap. Notarios creat, & Palatii Comites, cum honoribus, & prærogativis.

§. 1. Hinc est, quod Nos ad grata familiaritatis obsequia, quæ vos, qui etiam continui commensales nostri existitis, & quilibet vestrum Nobis hæcenus impendistis, & adhuc sollicitis studiis impendere non desistitis, nec non ad vitæ, ac morum honestatem, aliaque laudabilia probitatis, & virtutum merita, quibus personas vestras etiam familiari experientia juvari percipimus, condignam rationem habentes, ac propterea easdem personas vestras peculiaris favore gratiæ, ac specialis honoris, & excellentiæ dignitatis titulo sublimare volentes, Vosque, & quemlibet vestrum a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodati existitis, ad effectum præsentium dumtaxat consequen., harum serie absolventes, & absolutos fore censentes: Motu proprio, non ad vestram, vel alterius pro vobis super hoc oblatæ petitionis instantiam, sed de mera liberalitate, & certa scientia nostris, ac de Apostolicæ potestatis plenitudine, Vos, & quemlibet vestrum respectivè in nostros, & Sedis Apostolicæ Notarios ( sine tamen præiudicio dilectorum filiorum Notariorum de numero participantium ) Apostolica auctoritate tenore præsentium recipimus, ac Sacri Palatii, & Aula Lateranen. Comites, nec non auratæ Militiæ Equites, ac Nobiles Romanos, & Urbis Romæ, ac Civitatum Avenionen., Bononien., Ferrarien., & Beneventan., omniumque, & singularum aliarum Civitatum, Terrarum, & Locorum Romanæ Ecclesiæ mediate, vel immediate subiectorum Cives, cum omnibus iuribus, jurisdictionibus, prærogativis, & insignibus debitis, & consuetis creamus, constituimus, ac in numerum, & consortium aliorum nostrorum, & ejusdem Sedis Notariorum, nec non Palatii, & Aula hujusmodi Comitum, Equitum, & Nobilium Romanorum, aliorumque Civium Civitatum, & Terrarum prædictarum referimus, & conscribimus. Vobisque etiam si Habitum, & Rochettum Notariorum dictæ Sedis juxta decreta Lateranen. Concilii novissime celebrati non deferatis, aut Civitates hujusmodi

non incolueritis, nec unquam in eisdem Civitatibus domicilium habueritis, ut omnibus, & quibuscumque privilegiis, & facultatibus, exemptionibus, immunitatibus, libertatibus, favoribus, gratiis, & indultis, quibus ceteri omnes Notarii nostri, etiam de numero participantium, ac Comites, Equites, & Nobiles ( citra tamen exemptiones a Sacro Concilio Tridentino sublatas, itaut nedum quoad criminalia, sed etiam quoad civilia subiaceatis Ordinariis, ac citra facultates legitimandi, ad gradus promovendi, Notarios, seu Tabelliones creandi, aliaque hujusmodi privilegia a Notariis, & Comitibus præfatis prætenfa, itaut illis nullibi uti valeatis, ac irritum, & inane existat quidquid secus per vos, aut quemlibet vestrum respectivè attentari contigerit ) nec non Cives originarii, etiam in dignitatum, beneficiorum, & officiorum Ecclesiasticorum, & secularium, etiam ex personis Romanorum Civium originariorum vacantium affectatione, & exercitio tam in Urbe, quam in omnibus, & singulis Civitatibus prædictis, & alias ubique Locorum, & gentium, nec non sessionum, & conventuum utuntur, potiuntur, & gaudent, ac uti, potiri, & gaudere poterunt quomodolibet in futurum, non solum ad eorum instar, sed pariformiter, & æque principaliter, ac si privilegia, facultates, exemptiones, gratiæ, & indulta hujusmodi pro vobis emanassent, uti, potiri, & gaudere, ac in omnibus, & singulis Apostolicis, aliisque literis, instrumentis, & scripturis publicis, & privatis deinceps nomine vestro conficiendis Notarios, Comites, Equites, & Nobiles, ac de nobili genere ex utroque parente procreatos, nec non Romanæ, & aliarum Civitatum, & Terrarum Cives, prout libuerit, Vos inscribere valeatis, ac pro veris, & non fictis Notariis, Comitibus, Equitibus, & Nobilibus, ac Civibus habeamini, nihilque, qualecumque illud fuerit, cum iis subscriptionibus subreptitium, vel obreptitium, aut invalidum, sed illud idem efficax in omnibus censetur; nec non honoris causa insignia gentis nostræ sive integre, sive cum vestris respectivè composita gestare possitis, prout vobis placuerit, concedimus.

§. 2. Et insuper vos, vestraque Beneficia, & Officia Ecclesiastica quæcumque, quotcumque, & qualiæcumque, illorum fructus, res, & jura ubicumque locorum, Regnorum, & Provinciarum, nec non in Urbe, Civitatibus, Terris, & locis eidem Romanæ Ecclesiæ mediate, vel immediate subiectis consistentia, prædia, domos, possessiones, & bona patrimonialia, aliaque temporalia mobilia, & immobilia, ac fœmœntia, nec non actiones, & jura præsentia, & futura cujuscumque qualitatis, quantitatis, & naturæ, ac cujusvis etiam annui valoris, fructus, redditus, & proventus hujusmodi sint, vel fuerint, ac etiam quæcumque a vobis vendenda, ac pro vestris, & familiarum vestrarum usibus emenda ab omnibus, & quibuscumque decimis, quartis, & dimidiis partibus, subsidiis, etiam charitativis, nec non vectigalibus, portoriis, tributis, datis, pedagiis, collectis, & quocumque alio nomine nuncupatis angariis, perangariis, ceterisque oneribus, & contributionibus tam urbanis, quam rusticis, ordinariis, & extraordinariis, realibus, personilibus, & mixtis, etiam ratione munitionum mœnium, & pontium, portarum, & molitorum, & mercium cujuscumque generis, transitus, seu passus, & vecturæ, etiam in aliud Territorium, seu Provinciam, Terra, Mari, & Flumine, nec non equorum mortuorum, stabulationum Militum, institutionis Seminarii Ecclesiastici, aut quæcumque alia quantumvis gravi, & gravissima causa ( pro subventionem contra Infideles dumtaxat excepta ) nuac, & pro tempore impositis, ita quod vos, & quilibet vestrum nihil

Eorum bona a quocumque eximit vectigali.

omnino